



Broj: UP09-07-1-1855/17
Sarajevo, 20.09.2017. godine

Ministarstvo pravde Bosne i Hercegovine, rješavajući Zahtjev osnivača Asocijacije rektora privatnih univerziteta, u predmetu upis u Registar udruženja, na osnovu člana 8. i 33. Zakona o udruženjima i fondacijama Bosne i Hercegovine ("Službeni glasnik BiH", br. 32/01, 42/03, 63/08, 76/11 i 94/16) i člana 4. stav (1) Pravilnika o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija ("Službeni glasnik BiH", br. 44/10 i 14/12), d o n o s i

RJEŠENJE

1. U Registar udruženja kod Ministarstva pravde Bosne i Hercegovine pod **registarskim brojem 2086** Knjiga I Registra, dana 20.09.2017. godine, upisuje se udruženje pod nazivom:
 - a) Asocijacija rektora privatnih univerziteta
Асоцијација ректора приватних универзитета
Асоцијација ректора приватних свеучилишта
2. Adresa sjedišta udruženja je: Vitez, Poslovni centar broj 92-6.
3. Ciljevi i djelatnosti udruženja su: promovirati opće i univerzalne vrijednosti akademizma; promovirati rad sveučilišta/univerziteta u privatnom vlasništvu; promovirati autonomiju sveučilišta/univerziteta u privatnom vlasništvu; unapređivati visoko obrazovanje u Bosni i Hercegovini; promovirati jedinstvo nastave i znanstveno – istraživačkog rada na sveučilištima/univerzitetima u Bosni i Hercegovini; poticati razvoj znanosti i istraživanja; doprinositi podizanju stupnja internacionalizacije visokog obrazovanja u Bosni i Hercegovini; promovirati vrijednosti bolonjskog procesa; promovirati akademsku mobilnost, mobilnost nastavnika; zauzimati se za harmonizaciju visokog obrazovanja u Bosni i Hercegovini, regiji i EU; promovirati uvođenje mehanizma za uspostavu i osiguranje kvaliteta u visokom obrazovanju; promovirati načela međunarodnog priznavanja kvalifikacija u visokom obrazovanju; poticati ustrojavanje i izvođenje sveučilišnih preddiplomskih, diplomskih i poslijediplomskih (doktorskih) studija; poticanje ustrojavanja i izvođenja stručnih studija u skladu sa zakonima; poticati ustrojavanje i izvođenje programa stalnog stručnog usavršavanja; poticati obavljanje znanstvenog/umjetničkog i visokostručnog rada uz uvjete utvrđene posebnim propisima; poticati izdavačku, knjižničnu i informatičku djelatnost za potrebe nastave, obrazovanja te znanstvenog i stručnog rada; poticati organiziranje i izvođenje tečajeva i drugih oblika dopunskog obrazovanja polaznika, imajući u vidu koncept cjeloživotnog obrazovanja i usavršavanja; pokretati samostalne ili zajedničke projekte s drugim vladinim i nevladinim, domaćim ili stranim organizacijama; organiziranje seminara, radionica i druge oblike foruma gdje se iznose kritička mišljenja i vrši edukacija; izdavati svoj Bilten i druge publikacije; prezentirati svoja stajališta u javnosti, pa u svrhu toga organizirati press, izdavati priopćenja za javnost, uređivati vlastitu web stranicu.
4. Osoba ovlaštena za zastupanje udruženja u pravnom prometu je Mirko Puljić, predsjednik udruženja.
5. Danom upisa u Registar udruženja kod Ministarstva pravde Bosne i Hercegovine, udruženje stiče svojstvo pravnog lica i ima slobodu djelovanja na cijelom području Bosne i Hercegovine isključivo pod registriranim nazivom.

6. Ovo Rješenje će se objaviti u „Službenom glasniku BiH“, o trošku podnosioca Zahtjeva i na internetskoj stranici Ministarstva.

O b r a z l o ž e n j e

Osnivači Asocijacije rektora privatnih univerziteta, su 15.09.2017. godine podnijeli Zahtjev za upis u Registar udruženja kod Ministarstva pravde i dostavili sljedeću dokumentaciju: Odluku o osnivanju Asocijacije rektora privatnih univerziteta broj: 02/17 od 10.06.2017. godine; Odluku broj: 01-01-05-26/17 od 06.07.2017. godine; ovjerenu fotokopiju aktuelnog Izvoda iz sudskog registra Bosne i Hercegovine, Federacije Bosne i Hercegovine, Kanton: Srednjobosanski kanton; Općinskog suda u Travniku broj: 051-0-RegZ-17-000888 od 06.07.2017; Odluku broj: 815/17 od 15.05.2017. godine; Aktuelni Izvod iz sudskog registra Bosne i Hercegovine, Federacije Bosne i Hercegovine, Kanton: Srednjobosanski kanton; Općinskog suda u Travniku broj: 051-0-RegZ-17-000889 od 06.07.2017. godine; Odluku broj: 443/17 od 29.06.2017. godine; ovjerenu fotokopiju aktuelnog Izvoda iz sudskog registra Bosne i Hercegovine, Federacije Bosne i Hercegovine, Kanton: Srednjobosanski kanton; Općinskog suda u Travniku broj: 051-0-RegZ-17-000950 od 24.07.2017. godine; Odluku broj: 84-3/2017 od 29.06.2017. godine; aktuelni Izvod iz sudskog registra Bosne i Hercegovine, Federacije Bosne i Hercegovine, Kanton: Tuzla; Općinskog suda u Tuzli od 28.06.2017. godine, Odluku broj: S-149/2017 od 6.6.2017. godine; Aktuelni Izvod iz sudskog registra Bosne i Hercegovine, Federacije Bosne i Hercegovine, Kanton: Hercegovačko – neretvanski: Općinskog suda u Mostaru od 23.08.2017. godine; Odluku broj: R-78-13/17 od 22. 4. 2017. godine; aktuelni Izvod iz sudskog registra Bosne i Hercegovine, Federacije Bosne i Hercegovine, Kanton: Hercegovačko – neretvanski: Općinskog suda u Mostaru od 14.07.2017. godine; Odluku broj: 160-6/2017 od 24.06.2017. godine; aktuelni Izvod iz sudskog registra Bosne i Hercegovine, Brčko Distrikta, Osnovnog suda Brčko Distrikta BiH od 28.06.2017. godine; Statut udruženja broj: 03/17 od 10.06.2017. godine, u dva primjerka; Odluku o imenovanju organa udruženja broj: 04/17 od 10.06.2017. godine; ovjeren potpis i ovjerenu fotokopiju lične karte osobe imenovane za zastupanje udruženja u pravnom prometu; Zapisnik sa Osnivačke Skupštine udruženja broj: 01/10 od 10.06.2017. godine i dokaz o uplati administrativne takse.

Na osnovu činjenica utvrđenih u postupku, proizilazi da su ispunjeni uslovi predviđeni Zakonom o udruženjima i fondacijama Bosne i Hercegovine i Pravilnikom o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija za upis Asocijacije rektora privatnih univerziteta u Registar udruženja kod Ministarstva pravde Bosne i Hercegovine, pa je doneseno rješenje kao u dispozitivu.

Na ovo Rješenje naplaćena je administrativna taksa u iznosu od 200,00 KM u skladu sa članom 33. stav (2) tačka a) navedenog Pravilnika.

Pouka o pravnom lijeku:

Protiv ovog Rješenja nije dopuštena žalba, ali se može pokrenuti upravni spor tužbom pred Sudom Bosne i Hercegovine. Rok za podnošenje tužbe je 60 dana od dana prijema ovog Rješenja.

Dostavljeno:

- Salih Bučuk,
(za Asocijaciju rektora privatnih univerziteta),
Poslovni centar broj 96-2, 72 250 Vitez
i ovjeren tekst Statuta udruženja broj: 03/17 od 10.06.2017. godine
- Zbirka isprava;
- JP NIO "Službeni list BiH".

